

պեկները բոլորովին անհետացան: Ամբողջ գյուղը կողոպտելուց հետո արդեն սկսեց տեղի ունենալ սարսափելի բռնակատարում: Կազակները ծեծելով միմյանց էին հանձնում գյուղացիներին: Խեղճ գյուղացին աղատվում էր այն ժամանակ, երբ բոլորն արդեն անխնա ծեծել էին: Գյուղացիներն աղատվում էին հարևան գյուղերը փախչելով, ցարի գազանացած ծառաներից՝ զորքերից... Գավառական պրիստավը այս գաղանալություններից հետո ման էր գալիս՝ ասելով. «Հաղպատը մենք հավասարեցրինք հողի հետ, այնտեղ ալյուս խոտ չի բուսնի»⁵⁵: Ավելի քան տասն օր տեկեց հաշվեհարդարը: Գյուղացիները զրկվեցին ոչ միայն անասուններից, այլև արոտավայրերից: Բռնագրաված միջոցներից 5000 ռուբլի տրվեց իշխան Բարաթովին: Ձերբակալվեց 200 «անբարեհույս» գյուղացի, բանտարկվեց 60 մարդ, այդ թվում 18 հոգի նետվեց Քիֆ-լիսի Մետեխի բանտը: Հաղպատի նույնմերի 8-ի գյուղացիական ելույթի կազմակերպիչներն էին գյուղացիներ Արզուման Սոխիկյանը, Սարգիս Աթանասյանը (Այնալով), Կամսար Մելքումյանը, Գրիգոր Երզնկյանը, Շաքար Երզնկյանը: Նրանց ակտիվ աշակցում էր գյուղի քահանա Հարություն Երզնկյանը:

Չնայած համառ դիմադրությանը, Հաղպատի գյուղացիների 1903 թ. նոյեմբերյան ելույթը ճնշվեց: Վ. Ի. Լենինը, խոսելով 1902—1903 թթ. գյուղացիական ապստամբությունների մասին, նշել է, որ «Յարակալ կառավարությունը նրանց հայտարարեց սովորական խռովարարներ ու կողոպտիչներ (նրա համար, որ նրանք կողոպտիչ կալվածատերերից խլում էին հենց գյուղացիների ցանած ու հնձած հացը), ցարական կառավարությունը նրանց դեմ զորք ուղարկեց, ինչպես թշնամիների դեմ, և գյուղացիները ջարդվեցին, գյուղացիների վրա կրակեցին, շատերին սպանեցին, գյուղացիներին գազանաբար ծեծի ենթարկեցին, ծեծելով մահվան դուռը հասցրին...»: Հետո, Վ. Ի. Լենինը շարունակում է. «Գյուղացիները պայքարում էին արդար զործի համար: Ռուսական բանվոր դասակարգը մշտապես կհարգի ցարական ծառաների ձեռքով զնդակահարված ու հոշոտված նահատակների հիշատակը: Այդ նահատակներն աշխատավոր ժողովրդի ազատագրության ու երջանկության համար մարտնչողներ էին: Գյուղացիները ջարդվեցին, բայց նրանք նորից ու նորից ոտքի կեննեն, նրանք հոգեպես շեն ընկճվի առաջին պարտությունից»⁵⁶:

Վ. Ի. Լենինը կանխանշում էր հեղափոխության բուռն վերելքը, որտեղ աշխատավոր գյուղացիությունը բանվոր դասակարգի ղեկավարությամբ ու նրա հետ դաշնակցած ակտիվ զեր ունեն կատարելու:

3. ՀԱՅԿԱԿԱՆ ԵԿԵՂԵՑԱԿԱՆ ԿԱՎԱՍԹԵՆԵՐԻ ԲՈՆԱԳՐԱՎՈՒՄԸ ԵՎ ԺՈՂՈՎՐԴԱԿԱՆ ԵԼՈՒՑԹՆԵՐԸ 1903—1904 ԹՎԱԿԱՆՆԵՐԻՆ

1836 թ. մարտի 11-ի «Պոլոժենիե»-ով ցարական կառավարությունը՝ ճանաչել էր հայ լուսավորչական եկեղեցու սեփականության իրավունքը: Հայոց եկեղեցին ուներ զգալի հողատարածություններ, ջրաղացներ, առևտրական կրպակներ և այլ եկամտաբեր գույք⁵⁷: Հայ եկեղեցու ընդհանուր ունեցվածքի

⁵⁵ «Պրոլետարիատի կոլի» թերթիկ, № 5—6, 1904:

⁵⁶ Վ. Ի. Լենին, ՆԼՏ, հ. 7, էջ 248:

⁵⁷ Տե՛ս Մխիթար վարդապետ, Հայերը Ռուսաստանում, Վաղարշապատ, 1906, էջ 1—21, 39—40:

արժեքը կազմում էր մոտ 100 միլիոն ռուբլի, որից տարեկան ստացվում էր մոտ 300 հազար ռուբլու եկամուտ: Եկամտունների մի մասը հատկացվում էր ծխական-եկեղեցական և թեմական դպրոցների պահպանմանը:

Կովկասի կառավարչապետ իշխան Գուլիցինը հայաթանքներ է սկսում հայ մշակույթի գործիչների նկատմամբ, փակում է հայկական դպրոցները, սահմանափակում Կովկասի բարեգործական և հրատարակչական ընկերությունների գործունեությունը, խստացնում գրաքննությունը: Ցարիզմի նպատակն էր՝ ոչնչացնել հայ եկեղեցու ինքնավարությունը, վերջ տալ հայկական մշակույթին ու կրթական հիմնարկներին: 1903 թ. հունիսի 12-ին Նիկոլայ 11-ը հաստատում է հայ եկեղեցապատկան հոգևրը և գույրը բռնագրավելու օրենքը: Այդ օրենքի համաձայն, հայ-լուսավորչական եկեղեցու կալվածքներն ու եկամուտները գույրը հանձնվում էին համապատասխան մինիստրությունների տնօրինությանը, բռնագրավում էին եկեղեցապատկան այգիները, վարելահողը, մարգագետինները, արոտավայրերը, անտառները, առևտրական կրպակները, բաղնիքները, արհեստավորական հաստատությունները, ձկնորսարանները, կանխիկ դրամը: Բռնագրավման ենթակա չէին միայն անատուններն ու գյուղատնտեսական գործիչները, Պետերբուրգում և Մոսկվայում գտնվող հայոց եկեղեցու գույրը և այն տարածությունները, որոնք պատկանում էին հոգևորականներին, հոգևոր-կրթական հաստատություններին (բայց երեք դեսյատինից ոչ ավելի), որոնց վրա կառուցված էին վանքեր և եկեղեցիներ կամ որոնք հատկացված էին գերեզմանոցների: Եկեղեցական գույրի ընդունումը հանձնարարվում էր հողագործության և պետական ունեցվածքի մինիստրությանը, Կովկասի կառավարչապետին և համապատասխան նահանգապետներին ու քաղաքագլուխներին⁵⁸:

Հունիսի 12-ի օրենքը ոտնահարում էր ոչ միայն հայերի կրոնական զգացումները, այլև հայ ժողովրդի քաղաքական ու մշակութային շահերը: Ցարիզմը փորձում էր նաև ինչ-որ կապ գտնել հայ եկեղեցու ունեցվածքի և հայ ազգային շարժումը ղեկավարող կազմակերպությունների միջև: Դա անհիմն մի մեղադրանք էր, որ նպատակ ուներ հիմնավորելու և արգարացնելու ձեռնարկվող կողոպուտը:

Այդ պատճառով էլ հունիսի 12-ի օրենքի կիրառման դեմ լիոնացավ ժողովրդի ցասումը, որի համերկության բաժակը լցվել էր: Երբ կառավարությունը և նրա տեղական մարմինները Գուլիցինի զխավորությամբ փորձեցին կիրառել այդ օրենքը, հայ ժողովուրդը ոտքի ելավ: Դա ըստ էության ցարիզմի դեմ ուղղված ազգային-ազատագրական շարժման արտահայտությունն էր:

Անգրիկովկասի բոլոր հայաբնակ կենտրոններում գումարվում էին բազմամարդ միտինգներ, դիմումներ էին ուղարկվում կաթողիկոսին պահանջելով՝ ոչ մի զիջում չանել: Բանաձևեր էին ընդունվում՝ «Ավելի շուտ կոնունք, քան թույլ կտանք մեր իրավունքների ոտնահարումը» նշանաբանով:

Շարժման ընթացքում որոշակի դարձավ տարբեր դասակարգերի ու քաղաքական կուսակցությունների վերաբերմունքը հունիսի 12-ի օրենքի նկատմամբ:

Հոգևորականությունն օրենքն ընկալեց որպես կառավարության ցանկությունը՝ վերացնելու հայկական եկեղեցու ինքնավարությունը և այն ենթար-

⁵⁸ Տե՛ս ՍՍՀՄ ԿԳՊԱ, ֆ. 1276, ց. 19, գ. 2: ՎՍՍՀ ԿԳՊԱ, ֆ. 7, գ. 329, ֆ. 34, գ. 432:

կելու ուղղափառ եկեղեցուն⁵⁹, 1903 թ. օգոստոսի 4-ին հորիմյան կաթողիկոսը սինոդին հրամայեց չհրապարակել հունիսի 12-ի օրենքը, իսկ օգոստոսի 21-ին կոնդակ ուղարկեց բոլոր թեմերը՝ ունեցվածքը քաղաքացիական իշխանություններին հանձնելու կարգադրությամբ:

Կաթողիկոսն սկզբում կարծում էր, թե ցարը թյուրիմացության մեջ է, թե նրան առանձին մարզիկ մյուրեցրել են և իրեն կհաջողվի աղբրագրեքով վերացնել այդ օրենքը: Նա խնդրագիր խնդրագրի ետևից էր ուղարկում ցարին, իսկ վերջինս ներքին գործերի մինիստր Վ. Պլենկի միջոցով իր դայրույթն էր թափում «աստուծո անհնազանդ ծառայի» գլխին՝ սպառնալով քննել հայ եկեղեցու ողջ կազմակերպությունը պետության շահերին անհամապատասխան լինելու հարցը: Խրիմյանը աստիճանաբար սթափվելով, սկսում է ըմբոստացած ժողովրդին ինքնապաշտպանության կոչ անել:

Դաշնակցությունը, ժողովրդի համակրանքը շահելու միտումով, վերանայեց իր տակտիկան, սկսեց խրախուսել տարերային կարգով հակացարական պայքարի ելած մասսաներին: Նա հայտարարեց, թե «համազգային», «թուրքահայ հարցի» կողքին ճանաչում է նաև «ռուսահայ հարցի» առկայությունը:

Դաշնակցությունը հարկադրված եղավ հաշվի առնել XX դարի սկզբին կողկասահայության կյանքում առաջացած խոր տեղաշարժերը: Նա ջանում էր հայ աշխատավորության աչքում վերջնականապես չկորցնել վստահությունը և ստիպված էր այդ անել «...առավել ևս այն պատճառով, որ մանր ու միջին աշխատավորների հենց այն մասսան, որի վրա նա հենվում էր, տարերայնորեն ներգրավվել էր նոր շարժման մեջ և նրան ետ պահելու ոչ մի հնարավորություն»⁶⁰ չկար: Դաշնակցությունն առաջադիր խնդիր ուներ՝ հայ պրոլետարիատին մեկուսացնել ռուս, վրացի, ադրեբեջանցի և Անդրկովկասի մյուս ժողովուրդների բանվորներից, ինքնակալության դեմ մղվող համատեղ հեղափոխական պայքարից, պրոլետարական շարժումը գրկել դասակարգային բուրժուականությունից, պայքարել հանուն «ընդհանուր հայրենիքի»:

Հեղափոխական շարժումների ազդեցության տակ սրվեց հնչակյան կուսակցության ներքին հակասությունները: Առանձին կազմակերպություններ, իսկ որոշ տեղերում՝ շատ անդամներ, համակրանք տածելով հեղափոխական սոցիալ-դեմոկրատիայի նկատմամբ, տարածում էին նրա գրականությունը: Բազմաթիվ հնչակյան բանվորներ ներգրավվելով հեղափոխական շարժման մեջ, շրջադարձ կատարեցին և մտան ՌՄԴԿ շարքերը, ակտիվորեն մասնակցեցին բանվորական շարժումներին:

Ինչ վերաբերում է հայ լիբերալ բուրժուազիայի օրգան «Մշակին», ապա այն բար լուսավորյալ հունիսի 12-ի օրենքի նկատմամբ, վախենալով իր վրա գրավել իշխանությունների դայրույթը:

Բոլորովին այլ դիրք բռնեց հայ իրականության մեջ նոր ծիլեր աբձակած սոցիալ-դեմոկրատիան: Մինչև 1903 թ. հունիսը, երկրամասում ծավալված բանվորական բազմաթիվ բազաբական ցույցերը, գործադուլները և լայն ագիտացիան հեղափոխականացրել էին աշխատավոր զանգվածներին: Այդ պայմաններում Անդրկովկասի մարքսիստներն աշխատանք էին ծավալում հայ

⁵⁹ ՏՃԿ Մխիթար վարդապետ, Հայերը Ռուսաստանում, էջ 37:

⁶⁰ Ստ. Ծանոմյան, ՆԼԺ, հ. 1, էջ 370:

ժողովրդի տարերայնորեն բռնկված շարժումը դասակարգային պայքարի ինտերնացիոնալ հունի մեջ մտցնելու և ցարական ինքնակալության դեմ զրոհելու համար, Նրանք իրենց մարքսիստական պրոպագանդայով «պայծառ ճառագայթի նման» թափանցում էին հայկական պրովինցիայի մթին թագավորությունը⁶¹, պարզաբանում, որ չպետք է ցարիզմը շփոթել ուսումնական ժողովրդի հետ, մերկացնում էին դաշնակցական այն ազգայնականներին, որոնք 1903—1904 թթ. ակտիվացել էին հայկական գաղառններում:

ՌՄԴԲԿ Կովկասյան միութենական, Բաքվի, Թիֆլիսի, Բաթումի կոմիտեները, լենինյան «Իսկրա», «Վպերյոդ», «Պրոլետարի», «Պրոլետարիատի կոիվը», «Պրոլետարիատի կոիվի թերթիկը» և կուսակցական այլ օրգանները մերկացնում էին ցարիզմի թալանչիական քաղաքականությունը, ցույց տալիս հունիսի 12-ի օրենքի և նրա հետ կապված կողոպտի էությունը: Բուլշևիկյան կոմիտեները հնդափոխական թուրքիկներով ու կոչներով ողողեցին Կովկասը: «Դիմակը պատռված է», «Բանվորներ և գյուղացիներ», «Ընկերներ» և այլ թուրքիկներում Կովկասյան միութենական կոմիտեն կոչ էր անում, համախմբվել պրոլետարիատի դրոշի տակ⁶²: «Մենք չենք կարող և չպետք է թույլ տանք, որ մեր երկրի ամեն ծայրում տեղի ունեցող տարերային ընդհարումները կառավարության հետ լզառնան մի հուժկու փոթորիկ,— ասված էր «Ընկերներ» կոչում,— որը պետք է ջախջախի գազան միապետի արյունոտ գահը և վերջ տա նրա բազմաթիվ դահիճների գոյությանը: Մենք չենք կարող թույլ տալ, որ որևէ մի ուրիշ մարմին, վճռական ռուպին իր վրա վերցնի ղեկավարի դերը և իրավունք ունենա ասելու, թե նա ինքն է, որ կանգնած է կովոդների առաջին շարքերում և ոչ թե սոցիալ-դեմոկրատիան»⁶³:

«Ընդհանրությունը և հայերը» թուրքիկում Միութենական կոմիտեն բուրժուահնդափոխական սոցիալ-դեմոկրատներին կոչ էր անում ամենուրեք և միշտ կրծքով պաշտպանել ճշմարտներին: «Կառավարության դեմ հայերի մղած պայքարում մեր տեղը առաջին շարքերումն է:

Թող բոլոր դրոշներից բարձր ծածանի մեր դրոշը»,— ասված էր այդ թուրքիկում⁶⁴:

ՌՄԴԲԿ Կովկասյան միության մի այլ կոչում ասված էր, թե երեկվա խաղաղ, ստրուկ հայ մարդն այսօր ազատության մարտիկ է դարձել: «Ո՞վ է պատերազմողը և ո՞ւմ հետ է նա պատերազմում: Ստրկական դարավոր քնից արթնացած ժողովուրդն է այդ,— պարզաբանում էր Միութենական կոմիտեն,— որ կռիվ է հայտարարել բռնակալությանը: Ժողովրդական բողոքի հսկա ալիքներն են, որ պետք է վերջնականապես ջնջեն, ջախջախեն միապետական ծանր շղթաները: Ժողովրդի արտում թաքնված զայրույթը երկար ժամանակ ելք չէր գտնում, մինչև որ կարմիր դրոշակը, պրոլետարիատի աներկյուղ կոի-

61 Ստ. Ծանուցյան, Ծրկեր, հ. 1, էջ 55:

62 Տե՛ս «Թեոլոգիոն կուլեր և թուրքիկներ (1902—1921)» ժողովածու, 1960, Երևան, էջ 661: ՌՄԴԲԿ Կովկասյան միութենական կոմիտեն, որ սկզբից նեթ բացեց ճշմարտությունը, առանձին թերթիկով 1903 թ. օգոստոսին հրատարակեց «Դիմակը պատռված է» կոչը և Պլեմին նամակը՝ համապատասխան մեկնաբանություններով:

63 ՄԻԻ-ի Վրացական մասնաճյուղի արխիվ, ֆ. 33, գ. 466:

64 «Հայաստանի կոմունիստական պարտիայի պատմության ուղիվագիծ», Երևան, 1953, էջ 89:

վը, արթնացրին մեր երկրի նիրհող ուժերին և ցույց տվեցին բոլորին, որ հարկավոր է կռվել»⁶⁵,

Այս ամենի շնորհիվ մինչև այդ «ամեն տեսակ բռնությունների տանող հայ ժողովուրդը,— 1903 թ. գրել է «Իսկրան»,— այժմ սուր կերպով բողոքեց թագակիր ավազակի նոր բարբարոսության դեմ և սկսեց զենքը ձեռքին պաշտպանել իր իրավունքները»:

«Իսկրան» նշել է, որ Կովկասի սոցիալ-դեմոկրատները «...բոլորովին ճիշտ գնահատեցին հայկական եկեղեցական ունեցվածքի վրա ցարական արշավանքի քաղաքական նշանակությունը և իրենց օրինակով ցույց տվեցին, թե ինչպես պետք է ընդհանրապես սոցիալ-դեմոկրատիան վերաբերվի ամեն մի նման երևույթի»⁶⁶, «Իսկրան» հավաստիացնում էր, թե մենք հայ պրոլետարիատին կմիավորենք իրար՝ ուսում բանվորների հետ, նրանց բոլոր էքսպրոպրիատորներին էքսպրոպրիացիայի համար մղվող պայքարի գործում, թե ոստիկանական բռնությունից մենք պետք է պաշտպանենք և կպաշտպանենք ոչ միայն պրոլետարներին, այլև հասարակության բոլոր ճնշվածներին:

Հունիսի 12-ի օրենքի դեմ առաջինն իր ձայնը հնչեցրեց Ալեքսանդրապոլը: Հուլիսի 29-ին, երբ երիմյանը քաղաքի առաջնորդարանից մեկնում էր կայարան, բնակչությունը բազմաճառարանոց ցույցի ելավ, պահանջելով՝ չհանձնել եկեղեցական ունեցվածքը: Այնուհետև օգոստոս-սեպտեմբեր ամիսներին հակացարական ցույցեր և միտինգներ եղան Երևանում, Կարսում, Էջմիածնում, Ախալցխայում, Աշտարակում, Ղամարլուում, Բաքվում, Բաթումիում, Թիֆլիսում, Շուշիում, Նոր Նախիջևանում, Ելիսավետպոլում, Ղարաբաղիսայում, Զալալոլիում և այլ քաղաքներում ու վայրերում, որոնք հաճախ վեր էին ածվում զինված ընդհարումների: Օգոստոսի 3-ին Երևանի հազարավոր բնակիչներ իրենց ձայնը բարձրացրին հունիսի 12-ի օրենքի դեմ, զինված կազակների և զորքի միջամտության պայմաններում վճռականություն հայտնեցին պայքարել մինչև արյան վերջին կաթիլը: Շատ տեղերում շարժումներն առաջանում էին ինքնաբերական, կովկասահայ զանգվածներին ներգրավում հեղափոխական շարժման ոլորտը: Անդրկովկասը բռնկված էր հեղափոխական փոթորկով⁶⁷:

Բաքվի, Թիֆլիսի և Անդրկովկասի արդյունաբերական այլ քաղաքներին ուսում, վրացի, ադրբեջանցի և այլ ազգերի բանվորներն ու աշխատավոր գյուղացիներն իրենց համերաշխությունն էին արտահայտում հայկական ազատագրական շարժման նկատմամբ: Շատ տեղերում նրանք միանում էին հայ ցուցարարներին, աջակցում նրանց պայքարին: 1903 թ. օգոստոսին Վաղարշապատում հայ ցուցարարներին միացան շրջակա գյուղերի ադրբեջանցիները: «Բաքվի բոլոր ազգությունների բանվորները,— գրում էր «Պրոլետարիատի կոմի» թերթիկը,— չերմորեն ողջունում են իրենց հայ եղբայրների քաջարի կռիվը: Նրանց խորթ է ազգային ատելության ամեն մի զգացում: Առանց ազգերի խտրության, բոլոր պրոլետարների համերաշխությունը նրանց համար սրբազան պատգամ է»⁶⁸: Ցարական կառավարության կողմից Անդրկովկասում

⁶⁵ «Искра», № 49, 1 октября 1903 г.

⁶⁶ Նույն տեղում:

⁶⁷ Տե՛ս Բ. Կեռնյանց, Ընտրի երկեր, Երևան, 1978, էջ 75:

⁶⁸ «Листок «Борьбы пролетариата», № 3, 1903.

հրահրվող ազգամիջյան ընդհարումները, որ նպատակ ունեին հանգցնել հեղափոխական շարժումների հրեճը, կանխվեցին:

Ցարական զործակալների հետ գույքի բռնագրավման ժամանակ առաջին արյունալի ընդհարումը տեղի ունեցավ օգոստոսի 29-ին, Ելիսավետպոլում: Այդ օրը փոխնահանգապետ Անդրեևը կազակների և զինվորների երկու վաշտի հետ միասին հարձակվեց թեմական առաջնորդի փոխանորդի տան շուրջը հավաքված բանվորների, արհեստավորների, զործակատարների, սովորող երիտասարդության և աշխատավորական այլ խավերի վրա: Զինվորները կրակ բացեցին: Սպանվեցին տասնյակ անմեղ մարդիկ, շատերը ձերբակալվեցին: Ելիսավետպոլի արյունոտ սպանդի մանրամասնությունները տարածվեցին Կովկասում: Օգոստոսի 31-ին զինված ընդհարումներ հղան Քիֆլիսում: Վիճակն այնքան ծանր էր, որ քաղաքում ուղղմական դրոթյուն հայտարարվեց:

Բարվում՝ Անդրկովկասի պրովիտարական այդ կենտրոնում, սեպտեմբերի 2-ին Պարապետի հրապարակում հայ ցուցարարներն ընդհարվեցին զորքի հետ՝ դարձյալ տալով բաղձաթիվ զոհեր: Կառավարության պահանջով այդ օրը կասպիական ուղղմական նավերը մոտեցվեցին ափին:

Այնուամենայնիվ կառավարությունը, զորքի օգնությամբ կոտրելով ժողովրդի դիմադրությունը, սկսեց իրականացնել հունիսի 12-ի օրենքը: Ժողովուրդը, որ վաղօրոք անհավատալի չափով էլեկտրականացված էր զանազան ազդեցությունների կողմից, — զրել է հողագործության և պետական ունեցվածքի միևիսուր Ա. Նրմուղովը՝ Մինիստրների կոմիտեի նախագահ Վիտտելին ուղղած ղեկուցադրում, — հանդես է բերել այնպիսի հանդուգն, խիզախ դիմադրություն, որ ապավինել ենք զինված ուժի օգնության վրա, իշպես այդ տեղի է ունեցել էջմիածնում՝ կաթողիկոսի նստավայրում, Ալեքսանդրապոլ, Կարս քաղաքներում և այլ վայրերում՝ ունեցվածքի ընդունումն անհրաժեշտության դեպքում կատարվել է զինված ոստիկանական պահակախմբի հսկողությամբ⁶⁹:

Մինչև 1903 թ. վերջը հիմնականում ավարտվեց հայ եկեղեցական ունեցվածքի բռնագրավումը: Ոչ լրիվ տվյալներով ցարիզմի այդ ժամանակ բռնագրավեց մոտ 2 միլիոն ուրուի եկեղեցապատկան կանխիկ դրամ: Հողագործության և պետական ունեցվածքի միևիսուրության տվյալներով, Տավրիայան, Խերսոնի, Բեսարաբիայի, Դոնի, Բաթումի, Թերեքի, Կարսի մարզերում, Աստրախանի, Քիֆլիսի, Երևանի, Ելիսավետպոլի, Բաքվի, Սևծովյան նահանգներում և Զաքաթալայի օկրուգում բռնագրավվել էր 144.605 դեսյատին հող: Միայն 1904 թ. ունեցվածքից ստացված եկամուտը կազմել է 205.595 ռուբլի⁷⁰:

Ցարիզմն իր զաղուխակալական քաղաքականությունն իրականացնելու նպատակով որոշել էր հայ եկեղեցուց բռնագրաված հողատարածությունների վրա ռուս զաղթականներ բնակեցնել: Կովկասի կառավարչապետ Գոլիցինը 1904 թ. հուլիսի իր զեկուցագրերից մեկում նշում էր, որ հայ եկեղեցին միայն Կովկասում մոտ 170 հազար դեսյատին հող ունի, որը զերբազանցապես լինելով մշկաման համար պիտանի, հնարավոր է ծառայեցնել քառասական զա-

69 ՍՍՀՄ ՀՀՍՀ ԿԳԱ, ֆ. 540, ց. 1, գ. 992, թ. 1—26:

70 ՍՍՀՄ ԿԳԱ, ֆ. 1276, ց. 19, գ. 2, թ. 33: Ա. Ս. Համբարյան, Հայոց եկեղեցական բռնագրաված գույքի օգտագործումը ցարիզմի կողմից 1903—1905 թթ. «Տեղեկագիր», 1961 № 10:

ղութացման նպատակներին»⁷¹։ Ցարական կառավարությունը, սակայն, հեղափոխական շարժումների և զինված ըդհարումների ազդեցության տակ լիարողացավ իրականացնել իր այդ մտադրությունը։

Եկեղեցական ունեցվածքը զենքի ուժով գրավելուց հետո էլ հարցը չէր սպառվում։ Հայ գյուղացիները հրաժարվում էին նվաճված հողերը մշակել, արհեստավորական և այլ ձեռնարկությունները վարձակալել, փչացնում կամ թաքցնում էին հավաքված բերքը։ Այդ էր պատճառը, որ ցարական կառավարությունը միայն 1904 թ. գրաված հայ վանքապատկան հողերից 111.290 ուրվով պակաս եկամուտ ստացավ։

Հակացարական ցույցերի ելած հայերը 1903—1905 թթ. եկեղեցական գույքը բռնագրավելու, հարկերն ու տուրքերը զանձելու ժամանակ, ցարական պաշտոնյաների հետ զինված ընդհարումների ընթացքում, բիշ զոհեր չտվեցին։ Նրանք միաժամանակ դատաստան տեսան իշխանության բազմաթիվ ներկայացուցիչների կամ այն վախկոտ հոգևորականների հետ, որոնք հաճոյանալով պաշտոնյաներին, հոժարակամ տրամադրում էին եկեղեցական ունեցվածքը։

Դաշնակցական և հնչակյան կոմիտեները դիմեցին տեղորոշական տակտիկայի։ 1903 թ. հոկտեմբերի 14-ին հնչակյան ահաբեկիչները Գուլիցինի դեմ անհաջող մահափորձ կատարեցին։ Լինելով Կովկասի քաղաքացիական մասի զլխավոր պետ և կովկասյան զինվորական օկրուգի հրամանատար (1897—1904), նա խիստ դաժան, ռեակցիոն քաղաքականություն էր վարում։ Ահաբեկման ենթարկվեցին նաև Ելիսավետպոլի փոխնահանգապետ Անդրեևը, Սուրմալուի գավառապետ Բոգուսլավսկին, սահմանային պահակախմբի զենդապետ Բիկովը, հարկային տեսուչ Շչերբակովը, Բաբլի նահանգապետ իշխան Նակաշիձեն, Կարսի ժանդարմական վարչության թարգմանիչ Վասիլի Դրոզդովը և տասնյակ ուրիշներ։ Հեղափոխական սոցիալ-դեմոկրատիան դատապարտելով հայ նացիոնալիստների անհատական ահաբեկման տակտիկան, աշխատավորներին պարզաբանում էր, որ ինքնակալության գահալիժման համար հարկավոր է ժողովրդական ապստամբություն, դասակարգային կռիվ։ «Գուլիցինները և նրա նմանները կանհետանան և ինչպես ծուխ կցրվեն միայն ինքնակալության անկմամբ»⁷², — ասված է ՌՍԴԲԿ Կովկասյան միութենական կոմիտեի «Գազանը վիրավորված է» կոչում։

Հայ ժողովրդի ծավալած հակացարական մասսայական շարժումը դասակարգային խոր արմատներ ուներ։ Դա ցարիզմի ռեակցիոն քաղաքականության դեմ հայ ժողովրդի դժգոհության պոռթկումն էր։ Այն իր բովանդակությամբ, իր բնույթով ազգային-ազատագրական շարժում էր ընդդեմ ցարիզմի քաղաքականության։ Համաժողովրդական այդ ելույթը կառավարության դեմ խոշոր նշանակություն ունեցավ հայ ժողովրդի հեղափոխական պայքարի հետագա ծավալման ու խորացման գործում։

4. ԲՈՒՇԵՎԻՅԱՆ ԿԱԶՄԱԿԵՐՊՈՒԹՅՈՒՆՆԵՐԻ ԶԵՎԱՎՈՐՈՒՄԸ

ՌՍԴԲԿ II համագումարը, որ տեղի ունեցավ 1903 թ. հուլիս-օգոստոս ամիսներին, սկզբում Բրյուսևելում, ապա Լոնդոնում, կարևորագույն ուղեկիչ

⁷¹ Նույն տեղում, թ. 51։

⁷² «Բնույթիս կույր և թուլեկներ (1902—1921)» ժողովածու, էջ 62—65։